

MEDIEVU è TEMPI MUDCRINA


U 10 di nuvembre di u 2020

Nome :

Casata :

Puntu generale di storia di u Medievu è di i Tempi muderni in Corsica

1284	Disfatta pisana à a Meloria di pettu à a marina ghjinuvesa
1289	Spidizioni ghjinuvesi di Lucchettu Doria in Corsica contr'à Ghjudici di Cinarca
1297	U Papa dà i regni di Corsica è Sardegna à u Rè d'Aragona Jaime Primu dittu U Ghjustu
1300	Ghjudici di Cinarca hè fattu prighjuneru à tradimentu in lu Valincu
1304	Morti di Ghjudici di Cinarca in a prighjò di Malapaga à Ghjenuva
1348	Epidemia di pesta nera
1350	Rivolta eretica di a Ghjuvannara. L'Inquisizioni hè mandata in l'Isula
1358	Rivoluzioni di u Cumunu cù Sambucucciu d'Alandu Criazioni di a Terra di u Cumunu è deditio (lascita) di u Cismonti in Ghjenuva
1380	Fundazioni di <i>lo Bastia</i> da supra à u portu Cardu Arrigu di a Rocca hè fattu conti di Corsica alzendu a bandera aragunesa
1401	Morti d'Arrigu della Rocca.
1407	Vincinteddu d'Istria conti di Corsica
1420	Alfonso V d'Aragona sbarca in Corsica : presa di Calvi, assediu di Bunifaziu
1421	Vincinteddu d'Istria vici rè di Corsica, viduta nazionali in Bunifaziu
1434	Morti di Vincinteddu d'Istria in Ghjenuva
1456	Spidizioni è danni di l'esercitu ghjinuvesu di Spinola in Corsica
1486	Principiu di i guerri di Ghjuvan Paulu da Leca, ultimu conti di Corsica, contr'à Ghjenuva
1488	Presa è distruzzioni di u casteddu di Cinarca da l'esercitu ghjinuvesu
1490	Presa di u casteddu cinarchesu di Foci d'Ortu
1492	Fundazioni di a culunia ghjinuvesa d'Aiacciu
1501	Ultima guerra di Ghjuvan'Paulu da Leca
1502	Guerri di l'Uffiziu di San Ghjorghju contr'à Rinucciu da la Rocca
1503	Presa di Baricini è Rocca Taddata, roccaforti rucchisgiani. Disabitazioni di i pievi ribeddi : Niolu, Alta Rocca, Celavu, Cruzini, Sia, Taravu sò sbiutati di i so abitanti
1511	Rinucciu della Rocca hè tumbu in la sarra d'Arbiddali
1530	Fundazioni di Sartè
1540	Fundazioni di Purtivechju (<i>Ventimiglia la nuova</i>)
1553	Prima guerra di Samperu : Turchi è Francesi sbarcani in Bastia Presa di Bunifaziu da a cualizioni
1556	Assediu di Calvi Vittoria di Samperu in Tenda
1559	Fini di a prima guerra di Samperu : a Corsica torra ghjinuvesa
1562	Viaghju di Samperu in Algeri è a Cùstantinopuli
1564	Siconda guerra di Samperu Vittoria corsa in Golu Samperu piddu à Purtivechju
1567	Morti di Samperu
1569	Fini di a guerra, Alfonso d'Ornano s'imbarca pà a Francia Iniziu di a riforma tridintina in Corsica cù u vescu Lisandru Sauli
1580	Assaltu di Sartè da i Turchi di Barbaria è di u rè d'Algeri Assanu Veneziano
1620	Fini di u prugramma di custruzzioni di i turri liturali
1684	Ghjenuva hè bumbardata da a marina di u rè di Francia




Expansione di Genuva à i tempi muderni

In lu 1358, in Cismonte, nasce una rivolta pupulara contru à i signori. I paisani, purtati da *San-bucucciu d'Alandu*, lampanu i castelli è si mettenu sottu à a prutezzione di Genuva. In li paesi sò scelti *capurali* chì difendaranu i paisani contru à e pretensione di i signori.



Dopu à a disfatta di Pisa, a città di **Genova** è u **Rè d'Aragona** si disputanu u cuntrollu di a Corsica.

I signori se alligati à i signori à :



A st'epicà, a pesta nera vene di tumbà più di a medità di a pupulazione di l'isula. A maiò parte di quelli chì a s'anu francata sò colmi di a miseria è di l'impositi devuti tantu à a Ghjesa chè à i signori.



Ci ne hè una techja avà di tutti issi signori.

A maiò parte di issi signori essendu allegati à l'Aragunesi, Genova prufitta tandu di a scuntentezza di u populu è l'azzizza à a rivolta contru à i nobili.



AIO TUTTI FRATELLI CHE L'ORA //

Ind' u 1358, Hè un notabile di a pieve di Boziu : Sambuccuciu d'Alandu chì direge a rivolta popolare .



VIVA U POPULU!

In Cismonte,quasi tutti i castelli di i signori sò lampati for di Calvi (genuvesa) è di quelli di u Capicorsu pè surveglià u mare.



Evviva u rè d'Aragona è à morte i genuvesi è a so sterpa. Cusi aghju dettu eiu : Arrigu della Rocca, signore di Cinarca

Ma in Pumonte, i signori cinarchesi riescenu à ripiglià a suprana.




I novi ripresentanti di u populu si sentenu pè mette l'isula sottu à a dipendenza è a prutezzione di u Cumunu di Genova accettendu di pagalli un impostu di 20 soldi l'annu à focu

Hè a « *debitio* » di 1358.



Hè ancù megliu chè d'avè un ziu prete !

I novi statuti piazzanu « A terra di u Cumunu » sottu à a direzione d'un governatore genuvese : Giovanni BOCCANEGRA, u propriu fratellu di u Doge di Genova: Simone BOCCANEGRA.



A Corsica si ritrova dunque dimizata cù :

- d'una parte U CISMONTE chì for di u capicorsu hè administratu da Genova è chì piglia u nome di « **TERRA DI U CUMUNE** ». (Capilocu : **BIGUGLIA** sin' à a castruzione di **BASTIA**))

- di l'altra parte : U PUMONTE o « **TERRA DI I SIGNORI** » allegati à u rè d'Aragona. (Capilocu : **CINARCA**)

Issa spartizione di l'isula firmanà pè i seculi à vene.

A Corsica cismuntica in brama di pace è di prusperità economica ricerca u sustegnu di a città di Genova ch'è diventata una ricca è pudente città purtuaria pè via di a so flotta ch'è cuntrulleghja tutte e vie cummerciale di u Mediterraniu. Independenti dipoi u XII esimu seculu, Genova hè amministrata da un **DOGE** elettu da e più grande famiglie di a città.

GENOVA →



Pè amministrà ogni paese di a Terra di u Cumunu, omi è donne; capu di famiglia, eleghjenu un Pudestà è dui Patri di u Cumunu, eleghjenu dinù un guardianu pè curà u circulu, un cacciadore pè tumbà u salvaticume è un capitanu d'arme pè mantene l'ordine. Issa cunsulta di i capi di famiglia si riunisce in chjesa o in piazza di a chjesa ogni volta ch'ellu ci hè bisognu di piglià una decisione impurtante per l'interessu di u paese : custruzione d'una chjesa, d'una funtana, pè sceglie un medicu chì curarà i maladi di u paese ...





Ver di u 1370, u populu eleghje i Capurali di e pieve pè ripresentallu davanti à u governatore genuese, ma pocu à pocu issi capurali s'anu da cumpurtà cum'è veri signori.

Eiu n'aghju fattu à bastanza, avà mi ne vultu in casa meia.



Ghjè à st'epica ch'ella smarisce a traccia di Sambucucciu d'Alandu,

Ordine di fundazione di e città genuese in Corsica



Ind' u 1380, i genuesi custruiscenu un forte à u Portu Cardu induve, pocu à pocu, si crea a città di **BASTIA**

Disegni di **CASALONGA** è **ORSINI**
Testu adattatu di « Storia nustrale in prima scola » di Ghj. **LEONI**

à prestu !

I Ghjuvannali

In lu 1357, in Carbini, i *Ghjuvannali* cuntestanu u papa è campanu mettendu tutta a so roba in cumunu. Sò stirpati da l'armate di u papa chì i face cuttighjà fin'à l'Alisgiani.

Si sà pochi affari nant' à i Ghjuvannali, fora di ciò chì n'hè dettu ind'a Cronaca di Ghjuvanni da la Grossa. U cuntestu, ellu, hè cunnisciutu.

U XIVmu seculu hè un seculu di guerre di successione soprattuttu dapoi a morte di Ghjudice di Cinarca. A Corsica si governa da per ella è i quattru bastardi di Ghjudice si battenu trà di elli da piglià u putere. Vene dopu a presa in manu di Guglielmu da la Rocca, aiutatu da i Genuvesi in u 1343. Hè l'epica di i signori banditi, à l'usu Guglielmu Cortincu, dettu Sciumaguadella, chì campa d'assassinii è d'arrubbecciu. Stu seculu hè ancu quellu di l'abbotti saracini è di l'epidemia di pesta !

Hè in stu cuntestu ch'elli nascenu i Ghjuvannali, Fraticelli franciscani chì ricusanu a civilizzazione materialista è dunque a Chjesa cristiana di l'epica. Predicheghjanu à favore di a spartera di e ricchezze, a suprana di u spirituale nant' à u materiale. U movimentu cresce in furia cù l'addisperu di a ghjente. In testa, ci sarebbe statu un certu Hioannes Martini è un antru Ristoru chì difenderà i Ghjuvannali davant' à a Chjesa ufficiale.

I capi sarianu dui fratelli, signori scartati da u putere è lasciati senza terre. Si tratta quì di Polu è Arrigu da Laitalà, bastardi di Guglielminucciu da Laitalà.

In u 1352, si stabiliscenu in Carbini.

A seguita hè cunnisciuta : scumunicazione, ordine à tutti i Corsi, militari o paisani, di sterpà u razzinu. Un certu Rafinu i porta in l'Alisgiani induv'elli saranu ammazzati.



Ne parla u storicu Monteggiani :

"E in quel medesimo stante, dopo la morte di Goglermo della Rocca, Polo e Arrigo, fratelli bastardi di Goglermo di Laitalà, visto che tutti li signori di Corsica che erano stati sposseduti a tempo di goglermo della Rocca, tutti erano tornati al loro dominio e signorio, e che per tutto non li era sopra a loro signore nesciuno che le dominasse, procurorno di trovare modo di avere anchora Signoria. Si ritirorno in Carbini, e sotto nome di devotione formorno una certa confratia di homini e di femine, la quale andava crescendo in quantità, e si chiamavano quelli della confratia li Jovannali. E dopoi cominciorno a dire che non li dovea esserez beni proprii, se non che dovea essere tutto in comune. E per più dimostrazione di grande devotione e acquistare più credito et avere dalla sua parte e confratia più concorso di gente alla loro confratia. E Polo era il majore il chiamavano frate Polo et alcuni misser Polo. Era il capo e principale della confratia, e lui con molti confrati comminciorno a camminare per Corsica e passorno li monti verso tramontana. E arrivati in Alesciani frate Polo morse. E la compagnia resto in piedo tanto che se ne andò la fama a Roma ; ed essendo informato il Papa di questa cunfratia, judico che era specie d'eresia. Per il quale mando un frate che si chiamava frate Giorgio Sardo, di ordine di San Francesco, e fece fare la crociata contro li Jovanali in Alisciani, e la una e la altra parte erano tutti Corsi. E la crociata vinse, e restono li Jovanali morti e abbruciati in quello medesimo luogo."



San Ghjuvà di Carbini

Da u 1453 à u 1562, a repubblica di Genova cuncede l'amministrazione di a Corsica à una banca, l'Uffiziu di San Ghjorghju. L'uffiziu favurisce u sviluppu ecunomicu, in piaghja è in muntagna ghjè tandu ch'ella hà da esse posta a maiò parte di i castagneti in muntagna. Ma e terre più belle sò distribuite à i culoni genuvesi è i Corsi s'impuvariscenu. Da prutegge e culture di a piaghja, l'Uffiziu face costrui e torre di difesa ch'omu vede sempre oghje longu à e coste.

U periculu barbarescu hà da stampà a so marca nant'à i rughjoni custieri di u mediteraniu è in particolare l'isule. A Corsica cunnosce anch'ella, mentre a prima parte di u XVI esimu seculu, un gran periodu d'insecurità. Durante stu periodu, hè sempre minacciata. E pupulazione fughjenu u litorale è trovanu rifugiu più in centru o in « Terra ferma », vela à di in Italia.

Di pettu à quella insegurità crescente, l'uffiziu di San Ghjorghju mandarà, in settembre 1531 dui cummissarii strasurdinariii incaricati d'esaminà a difesa è a pruttezzione di l'isula. Serà cunduttu di mudificà a so pulitica di difesa è fermarà un pianu di custruzione di e torre per pruttege i 1000 chilometri di coste.

Sti prugrammi ch'avianu principiatu versu 1510, cunnoscerà a so fulata solu trà 1530 è 1620. Per finanzia stu prugramma ambiziosu, l'uffiziu San Ghjorghju, dopu avè cunvintu i nobili dodeci, impunarà à u governatore un aumentazione di l'impusizione di u sale "de un solde par baccino".

Ghjè dunque cù l'aumentazione di u sale ch'è a Corsica pacarà a so securità. Però u sistema sviluppu di e torre di u liturale fubbe duramente cubattutu da i Corsi prupietarii di e tarre infeudate.

Mentre u periodu di 1553 à 1559, l'isula hà da cunnosce e prime ambizione francese cù e truppe d'Henri II ch'è sbarcanu sottu à l'ordine di Sampieru Corsu. U trattatu di Cateau-Cambrésis (u 3 d'aprile di u 1559) rende a Corsica à Genova.

Custattendu ch'è a gestione di a Corsica da l'uffiziu di San Ghjorghju ùn hè micca bona (st'ultimu s'imprecava solu à scavà la cum'è una culunia di fronte à u bischizzu di i Corsi), Genova metterà fine à a so missione d'amministrazione in u 1562, è ripigliarà a so duminazione indè l'isula, ch'è entrerà in u so secondu periodu genuvese fin'à u 1725, principiu di a "guerra di quarant'anni".

A Reppublica di Genova duminarà l'isula mentre di più quattru seculi è mezu.

In 1562 a repubblica di Genova avendu ripresu l'amministrazione di l'isula, ripiglia u prugramma di custruzione di e torre. U senatu genuvese fà u 27 di nuvembre 1571 un organismu "*il Magistrato delle seminerie e delle fabriche delli tori*" ch'è si cumpone di quattru socii, tutti nobili genuvesi. Ancu puru se l'ubbiettivi sò larghi, l'interessu principale di quell'organismu è a securità di l'isula, custruzione è mantenimentu di e torre. Per quella duverà esse in cuntattu cù l'uffiziu San Ghjorghju à traversu l'uffiziu di u sale.

Un documentu viramente impurtante, ch'jamatu "la distinzione delle torri" serà stabbilitu per difinisce cù precisione i lochi induve duvianu esse custrate e torre da vene.

Quellu documentu hè consideratu cum'è "u pianu di l'inseme di e custruzione".

E torre di Corsica dette genovesi

E Torre genovese di Corsica (o Torri ghjinuvesi di Corsica) sò state custruite, dopu à a dumanda di a popolazione, per prutege l'isula da i pirati.

E torre eranu un sistema di difesa di a popolazione corsa. Quando ci era un periculu, i torreghjani avvertianu a popolazione, à sonu di culombu o accendendu un focu à u pianu supranu di a torra. Cusi e torre chì eranu situate accantu pudianu dinù privene quell'altre. Cusi, in una ora o duie, a Corsica sana era prevenuta.


Ci eranu parecchi piani in e torre. Cumportavanu dinù l'archere. À u pianu superiore, ci era un ranghu di piumbatoghji. Ci eranu dinù scale per passà da un livellu à l'altu di a torra.

A maiò parte di e torre genovesi sò rotonde, ma certe sò quatrare.

A custruzione di e torre genovese di Corsica hà principiatu à u XVlesimu seculu, quandu à pupolazione di l'isula hà dumandatu à Genova una prutezzione contra à i pirati è l'invasori chì venianu da u mare. In u 1531, a custruzione di nuvanta torre annantu à u litturale di a Corsica hè decisa. U travagliu cumencia sottu à a direzione di Sebastiano Doria è Pietro Filippo Grimaldi Podio. À u principiu di u XVIIIimu seculu, si pudia cuntà 85 torre annantu à u litturale di Corsica.

Oghje, fermanu 67 torre. Parechje sò sfundate, ma d'altre sò bè cunservate, classate cum'è munimenti storici.

E torre genovese



I tempi di i Caporali è di i Signori

À a fine di u XVmu sèculu è à u principiu di u XVImu seculu, a Corsica hè stata divisa da lotte faziunale chì creanu un ambiente di viulenza interna nutritu da l'intervenzione, à volta à l'appiatu, di puteri esterni chì anu viste nantu à l'isula.

Ci sò à pocu pressu 20 clani di Caporali chì appariscenu cù « a Terra del comune » :

- | | |
|---------------------|-----------------|
| - Arenoso ou Ernosu | - Lo Lugo |
| - La Brocca | - Matra |
| - La Campana | - Omessa |
| - Campocasso | - L'Ortale |
| - La Casabianca | - Pancaraccia |
| - Casta | - Pastoreccia |
| - Chiatra | - Lo Petricagio |
| - La Corbaja | - Li Prunelli |
| - La Crocicchia | - Lo Pruno |
| - Erbagio | - Sant'Antonino |

A lotta a più famosa è a più crudela trà ste famiglie hè stata quella di i Rossi è di i Neri, dui partiti di a famiglia di i Casabianca.

A so vulintà d'egemunia economica, pulitica è suciale era aggravata da a fine cù a fine di u so salariamentu à a metà di u XVmu seculu. I Capitula Corsorum (1454) prevedenu u so unicu pagamentu per via d'uffizii publichi o ancu ecclesiastichi.

Cusì, a voracità di stu gruppu s'impunia sia in un modu verticale nantu à u populu ma ancu di manera orizzontale da inimitanti eccitanti, inimicizie, trà e diverse casate di caporali per a cumpetizione costante à l'uffiziu, à mandatu, à u benefiziu.

U paese bramava di campà liberu mentre i Caporali avianu un scopu chjaru di duminazione, d'impone u so ordine nantu à e persone. Sta situazione hà purtatu à cunflitti maiò trà sti dui "partiti" in u nordu-est è u centru-est di l'isula à a metà di u XV sèculu. Di fatti, i statuti di a cità di San Fiurenzu in u 1455 prevedenu l'esclusione di Caporali da a cità, per prutegge u populu da u so appetitu.

I Caporali anu creatu, per via di e so attività, una mappa bipolare di a sucetà corsa. Amichi o nemichi, alliatu o avversari eranu e due « etichette » chì corrispondu à quelli chì si adunianu à u so "partitu" o chì eranu cumpetitori diretti, à volta ancu in a stessa famiglia. Hè statu u casu per i Casta in u 1525 cù un cunflittu murtale trà i figlioli di Vincentello da Casta è Teramo da Casta o di a Casabianca chì u capimachja di i Rossi ricorda in u 1534 chì u so babbu hè statu presu è marturiatu da l'avversari di u partitu, i Neri di a Casabianca durante e guerre di Renuccio della Rocca. Ghjasteme, abboti nantu à a pruprietà di a famiglia pudianu rinuvà o generà inimicizie o ancu spezie di guerre civile nantu à i lochi publichi di u paese o di a pieve.

I Caporali stabiliscenu cusì una rete mobile è guerriera cù e so alleanza chì movenu secondu u partitu chì servirà di più i so interessi. Omi d'arme, e varie pruibizione promulgate da Genuva ùn li

impediscenu di purtà a spada in tutte e circustanze è di avè truppe armate cù quale si postanu in certi lochi strategichi. L'Uffiziu di San Ghjorghju, disarmatu di pettu à ste bande organizzate, hà pensatu di pudè frenà a viulenza autorizendu a cuncessione d'arme cù certi brevetti è di limità u numeru d'omi armati chì accumpagnanu u capi di u partitu (certe volte, a so truppa pudia cuntà 30 omi). U mantenimentu di ste bande ma ancu di a casata (parenti è alleati) rendia necessariu u fattu di rinfurzà per tutti i mezi e finanze è u putere di a famiglia chì eranu limitate da a dimensione di u territoriu di eserciziu.

Nantu à a terra di i Signori, l'affari ùn sò listessi.

U XII mu seculu vede u ritornu di i signori Corsi, Arrigu è u figliolu Diutaiuti. Quelli chì daranu u ceppu cinarchese voltanu da a Sardegna è ripiglianu putere è lochi in Cinarca dopu esse stati mandati in esiliu da u Marchese di Massa, numinatu da u Papa.

In più, principia in u 1118 una guerra trà Pisani è Genuvesi. Hà da durà sin'à u 1133. Tandu, u Papa Honorius II cerca d'appacià e due putenze. A Corsica si sparte in due spartizione : Genuva tene e pieve di Mariana, Nebbiu, Accia è Pisa tene quelle d'Aleria, Sagona è Aiacciu. Hè un'epica di custruzione. Sò fatte cappelle è ponti.

I signori di tutta a Corsica piglianu a pratesa di l'una o di l'altra, secondu i so interessi, e so urigine è e so nimicizie.

U signore potente à u principiu di u XIII mu hè Ghjudici da Cinarca. Fattu Conte di Corsica in u 1245, riesce à imponesi firmendu da u cantu pisanu. Tuttu trafala in u 1284 quandu i Genuvesi compieunu i Pisani nant'à u mare, à a battaglia detta di a Meloria. Quattru anni dopu, sbarca Lucchetto Doria in carica d'impone l'ordine genuese nant'à tutta a Corsica.

Da st'epica fermerà una spicatura di i signori in dui campi chì durarà sin'à a fine di u Medievu.

U più grande di quelli signori cinarchesi è l'ultimu era Ghjuvan Paulu de Leca.

Quandu u babbu Arrigu "Arechjiritti" da Cinarca hè tombu da Ghjudici, u figliolu Guidu della Catena face alzà un castellu à u locu dettu Lecca. Nasce tandu u ceppu cinarchese di i "da Leca".

Ghjuvampaulu hè u figliolu di Risturucciu è u nipote di u gran Raffè da Leca. Tutt'i dui, funu ammazzati da i Genuvesi in u rughjone di Vicu (Arburi), in u castellu Leca dettu Castaldu. Vinti dui Leca funu tumbati à tradimentu da i Genuvesi.

Ghjuvampaulu, chjucu, era allevatu in Toscana da u zione, Ghjucanti. Sta branca fermerà cusì salva.

I Milanesi, lasciati à u putere da l'Uffiziu, permetteranu à i da Leca di ritruvà a so signuria. Hè spartu stu territoriu trà i cucini da Leca : à Ghjuvampaulu l'hè datu u castellu di Lecca è à Rinucciu l'hè datu u castellu di Cinarca. I cucini si litanu. Ghjuvampaulu, prima sustinutu da l'Uffiziu San Ghjorghju, piglia a so indipendenza è cumbatte i Genuvesi. Nasce una guerra cù cucini d'un cantu è da l'altru (Rinucciu da la Rocca vene à cumbatte à Ghjuvampaulu). In u 1481, u signore face alzà u Cunventu furtificatu di Vicu. Signore u più potente di Corsica, liatu à parecchje famigle, potente ancu ellu, di Cismonte è Pumonte, hè elettu Conte di Corsica in u 1487 à a veduta di u Borgu di Mariana. Hè dettu alliatu à Lorenzo de' Medici.

Da u 1486 à u 1501, cerca di piglià a suprana nant'à i Genuvesi è nant'à i cugini da la Rocca. Ogni volta ch'ellu capituleghja, parte Ghjuvampaulu in esiliu in Sardegna po volta è ricumencia à purtà e

popolazioni à a rivolta. Ind' u 1501, volta dinò in Corsica è fiasca par l'ultima volta. Si ne more in Roma in u 1515 è ci hè interrattu ind'a Chjesa di San Francesco a ripa.

Ste stories ò ghjunte à noi per via di i storichi, i cronisti, chè ci anu contatu e so storie.

3 crunisti maiò di a storia muderna di Corsica

3 casinchesi.

Arricurdemuci chè a Casinca hè stata u locu induve c'era impiantatu u Viscuvatu (chè hà datu u so nome à u paese). Un viscuvatu, hè un locu di fede, di religione è di sapè. St'omi, scrivendu a storia di Corsica, particepighjanu à seguità l'opera di Giovanni della Grossa.

Pier Antonio Monteggiani

Elevu di Giovanni della Grossa, a so Cronaca porta da u 1464 finu à u 1525, quandu a Corsica era amministrata da l'Uffiziu di San Ghjorghju. Ellu hè statu elettu in u 1521 per ripresentà i Corsi in Genuva.

Marc'Antonio Ceccaldi

Natu in u 1521 è mortu in u 1561. Maritatu à Maria da Mare, surella di u signore di u Capicorsu Giacomo Santo da Mare, partecipò à stabilisce à pace tra i Rossi è i Neri di a Casabianca, Marc'Antonio era un principale è unu di i 12 Nobili.

Piglia a seguita di Monteggiani è scrive una cronaca nantuà l'isula da u 1526 à u 1559, quandu ellu hè zifratu u pattu di « Cateau-Cambrésis ». Ci conta a storia di Sampieru Corsu è di a so lotta contru à i Genuvesi.

Anton Pietro Filippini

Natu in u 1529 è mortu in u 1594.

Arcidiaconu di u Viscuvatu, hè cronista di l'epica da u 1560 à u 1594 è ripiglia e cronache di quelli dui primi cronisti. Filippini ci conta a fine di Sampieru, strangulendu a so moglie è essendu assassinatu da i parenti d'ella.

E cronache ci parlanu dinù di e « razzia » di Mammi Corso, un pirata barbarescu di Pinu.

Eccu u so racontu di l'abbotu di Sartè in u 1583

« Fra poco tempo dopo, arrivò in questi nostri mari col numero di diciotto galee Assan Bascià Re d'Algeri, il quale ai ventisei di maggio, ponendo i Turchi in terra, con numero grande di scale, prese la terra di Sarteni ; nè valse che quei di dentro valorosamente combattessero, con dar morte a quindici Turchi. Nella qual terra, oltre alla molta roba che depredarono¹, fecero presa di quattrocento persone, essendosi salvati qualcuni di quelli, e molti altri che con le loro famiglie dimoravano in campagna con i loro bestiami per fuggir la penuria della fame, ch'era in quei calamitosi tempi, sostendosi la vita di carne e latte ; il che fu causa che quella terra del tutto non restò abbandonata. »

1. Furonu, arrubbonu.


Filippini hè statu messu in prigiò da i genuvesi per avè participatu à e rivolte di Sampieru.

A vostra cuntribuzione !

1 – I Rossi è i Neri si sò tazzati mentre anni è anni. Ci pudete spiegà stu cunflittu ?

2 – Chì ghjè a differenza trà a Republica di Genuva è l'Uffiziu di San Ghjorghju ?

3 – Piazzemu i lochi di e signorie è di a « terra del comune » nantu à a sta carta muderna di a Corsica :



4 – Fate a scelta d'un persunagiu trà quelli da sottu è dateci infurmazione nantu à a so vita (in 15 filari) ?

Vincentellu d'Istria – Arrigo Bel Messere – Sampieru Corsu – Ghjuvan Paulu da Leca

Rinuccio della Rocca – Raffè da Leca

Riferenze è risorse

- Antoine Franzini : La Corse au XVe siècle, edizione Alain Piazzola, Ajaccio, 2005
- Daniel Istria : *Pouvoirs et fortifications dans le nord de la Corse : XIe-XIVe siècle*, edizione Alain Piazzola, Ajaccio, 2005
- Denis Luciani : *Storia di Corsica illustrata*, CRDP di Corsica, 2014
- Gérard Giorgetti - 50 documenti pà una storia di a Corsica (CRDP), 2006
- Wikipedia
- [https://www.educorsica.fr/storia di a corsica/](https://www.educorsica.fr/storia_di_a_corsica/)